

/վարչական տույժ նշանակելու մասին/

«19» փետրվարի 2019թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գարիկ Դարբինյանս, քննելով Դավիթ Դավթյանի / անձն. 17AA98953, քաղաքացիություն՝ Վրաստան, գ.Ախալքալա/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Վրաստանի քաղաքացի Դավիթ Դավթյանի անվամբ 22.11.2018 թվականի թիվ 05100033/221118/0000308324 մաքսային մուտքի օրդերով «Ժամանակավոր ներմուծում» մաքսային ընթացակարգով 30 օր ժամկետով ՀՀ տարածք է ներմուծվել TOYOTA-CAMRY մակնիշի, DV777ZZ պետհամարանիշի, 2014 թվականի արտադրության տրանսպորտային միջոց: Նշված տրանսպորտային միջոցի ժամանակավոր ներմուծման վերջնաժամկետը սահմանվել է մինչև 22.12.2018 թվականը, սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արևելյան մաքսատուն-վարչության Բազրատաշենի մաքսային կետ-բաժնի ավագ մաքսային տեսուչ-հրավաբանի կողմից 24.12.2018 թվականին Դավիթ Դավթյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանափակումների վերաբերյալ տեղեկատվություն ստանալու նպատակով: Պատասխան գրությունից պարզվել է, որ TOYOTA-CAMRY մակնիշի, DV777ZZ պետհամարանիշի, 2014 թվականի արտադրության տրանսպորտային միջոցը 22.11.2018

թվականին Բագրատաշենի մաքսային կետ-բաժնով ներմուծվել է ՀՀ, սակայն հետագա արտահանման պարտավորությունը չի կատարվել:

Նշանակվել է գործի քննություն 30.01.2019 թվականին ժամը 15:30-ին, վերջինս ծանուցվել է ՄՄՕ-ի մեջ նշված հասցեով:

Գործի քննությունը տեղափոխվում և նշանակվում է 19.02.2018թ. ժամը 15:00-ին, քանի որ չի ստացվել հետադարձ ծանուցումը:

Գործի քննության շրջանակներում 05.02.2019թ. թիվ 22.1.1/1930133-19 գրությամբ հարցում է կատարվել կատարվել ՀՀ ՊԵԿ Արարատյան մաքսատուն-վարչություն՝ Դավիթ Դավթյանի /անձն.17AA98953/ կողմից 22.11.2018թ. թիվ 05100033/221118/0000308324 ՄՄՕ-ով ներմուծված TOYOTA-CAMRY մակնիշի /vin 4T1BF1FK2EU361781/, DV777ZZ պետհամարանիշի, 2014 թվականի արտադրության տրանսպորտային միջոցը որևէ մաքսային ընթացակարգով ձևակերպվելու վերաբերյալ տեղեկատվություն ստանալու նպատակով:

Պատասխան գրությամբ հայտնել են, որ Դավիթ Դավթյանի /անձն.17AA98953/ կողմից 22.11.2018թ. թիվ 05100033/221118/0000308324 ՄՄՕ-ով ներմուծված TOYOTA-CAMRY մակնիշի /vin 4T1BF1FK2EU361781/, DV777ZZ պետհամարանիշի, 2014 թվականի արտադրության տրանսպորտային միջոցը որևէ մաքսային ընթացակարգով ձևակերպված չէ:

Դավիթ Դավթյան նկատմամբ հարուցված մաքսային կանոնների խախտման վերաբերյալ գործը ՀՀ ՄՕ 219 հոդվածի 2-րդ մասի համաձայն /անձը բացակայում է, և հայտնի չէ նրա գտնվելու վայրը/ քննվել է նրա բացակայությամբ:

Տրանսպորտային միջոցի մաքսային արժեքն՝ ըստ մաքսային մուտքի օրդերի կազմում է 478880 ՀՀ դրամ, որի «Բաց թողնում՝ ներքին սպառման համար» մաքսային ընթացակարգով հայտարարագրման դեպքում կառաջանան մաքսային վճարներ 162819 ՀՀ դրամի չափով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով

տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով: Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

Սույն դեպքով Դավիթ Դավթյանի անվամբ 22.11.2018թ. թիվ 05100033/221118/0000308324 մաքսային մուտքի օրդերով ՀՀ ներմուծված TOYOTA-CAMRY մակնիշի, DV777ZZ պետհամարանիշի, 2014 թվականի արտադրության տրանսպորտային միջոցի ժամկետը ավարտվել է 22.12.2018թ.: Դավիթ Դավթյանը սահմանված ժամկետում

չի դիմել մաքսային մարմիններին ժամանակավոր ներմուծման ժամկետը երկարաձգելու խնդրանքով, տվյալ ավտոմեքենան չի ձևակերպել <<Մաքսային պահեստ>> մաքսային ընթացակարգով:

Այսպիսով վարչական մարմինը քննելով գործում առկա ապացույցները գտնում է, որ Դավիթ Դավթյանի արարքում առկա է ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով ՀՀ մաքսային օրենսգրքի 221 հոդվածով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար Վրաստանի քաղաքացի Դավիթ Դավթյանին ենթարկել վարչական պատասխանատվության՝ տուգանելով 81410 ՀՀ դրամի չափով:
2. Որոշման մասին հայտնել Դավիթ Դավթյանին:
3. Պարզաբանել, որ որոշումը ՀՀ մաքսային օրենսգրքի 222-րդ հոդվածի համաձայն 10-օրյա ժամկետում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% և 900233586016՝ գումարի 30% (ՀՀ պետական բյուջե, կենտրոնական գանձապետարան, Արեվելյան մաքսապտուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ